

# ШОЪЛ ТАВЫСЫ

РЕСПУБЛИКАЛЫК  
ЯМАГАТ-ПОЛИТИКАЛЫК ГАЗЕТА

ГОЛОС СТЕПИ

РЕСПУБЛИКАНСКАЯ  
ОБЩЕСТВЕННО-ПОЛИТИЧЕСКАЯ ГАЗЕТА

№ 23 (8607)

9 ИЮНЬ

2016 йыл

КИШИ ЮМА

ТАМБЫЗ АЙЫ

1931-нши йылдан алып шыгады

КУТЛАВ

12-нши июнь – РОССИЯ КУЪНИ

## Хайыры ман баслансын

*Сыйлы дагестанишылар!*

*Сизди баъри мусылманлар уьшин оьрметли Рамадан айынынъ басланувы ман кутлайман!*

*Рамадан – ораза тутув эм бас ийуевдинъ, динге сенуевдинъ эм тазаланувдинъ, анъ-акыл яктан яхшы терен ойларды излестирувдинъ айы. Бу ийги куьнлерде бизге Куран – мусылманлар уьшин олардынъ ак ниетли ойлары эм алал ислери мен шынты етекишлев китаби оьрден йиберилген.*

*Сосы сыйлы айымыздынъ Кудайга айырым кепте куллык этуев мен оьткерилген куьнлери баъри де таза кепте динге сенетаганлардынъ ян-коьнъл оьрленувине эм янъырувына йол ашар, бизим коьп миллетли республикада оьмирден-оьмирге келеяткан дин-маданият аьдет-леримизди беркитпеге амал берер.*

*Бу нурлы ярык айымызда сизинъ тилеклеринъизди Баьриннен де оьр Кудайымыз эситсин эм аьр бир уйге тынышлык эм яхшылыклар йиберсин!*

*Баъри де дагестанишыларга берк ден савлыкты, тынышлыкты эм эмишликти йорайман!*

*ДР Аькимбасы*

*Р.АБДУЛАТИПОВ.*

ЙОЛЫГЫС

## Яшавды яхшы якка онълар уьшин катнасамыз

Май айдынъ ызгы куьнинде ДР Аькимбасы Рамазан Абдулатипов РФ Президентиндеги Аьдем ыхтыярлары эм граждaнлык ямагатын оьрлендируев бойынша советининъ председатели М.Федотов пан, «Динлердинъ эм аьлиги дуния политика стратегиялык яктан тергев Орталыгы» деген регионаллык ямагат организациясынынъ президенти Максим Шевченко эм элдинъ ыхтыяр коршалавшы организацияларынынъ ваькиллери мен йолыгысты.

Йолыгыстынъ барысын-да граждaнлык ямагаттынъ буьгуьнги аьли, социаллык учреждениелерде эм тутнакларда аьдем ыхтыярларынынъ тутылувы акында соьз коьтерилди.

Келген конакларды хош

коьрип, Рамазан Абдулатипов булай деди: «Сиз бизим республикамызга келип, Советинъ кенъесин озгаратаганынъызга разылыгымызды билдиремиз. РФ Президенти В.Путинге эм федераллык власть органларынынъ бизге

эс этетаганын биз бек баалаймыз. Кавказда, сонынъ ишинде Дагестан Республикасында да, сиз онъайлы яшавды туьзер уьшин баъри куьшинъизди де саласыз. Мен билип, аьли сиз, бизим туьрли учреждениелеримизде болып, сонда аьдем ыхтыярлары тутылууды тергеп шыктынъыз».

Солай ок йолыгыста ДР Аькимбасы республикамызда аьдем ыхтыярлары уьстинде ДР-дагы аьдем ыхтыярлары бойынша уполномоченный институты куллык этетаганын белгиледи.

Михаил Федотов ДР

Аькимбасына йылы йолыгыс уьшин савболсын айтты эм республикада етим, сакал балалардынъ ыхтыярларын тергев уьшин закон кабыл этилип алынмага керек деген маслагатын берди, эм сондай учреждениелерде юрекли, языксынып болатан аьдемлер куллык этпеге кереги акында да айтылды.

Йолыгыс уьстинликли озды. Рамазан Абдулатипов, келген конакларга разылыгын билдирип, бирге исти етимисли бардыраягына сеним этти.

«Дагестанская правда» газетасыннан.

8-нши июнь – СОЦИАЛЛЫК  
КУЛЛЫКШЫСЫНЫНЪ КУЪНИ

## Ярдам этуев – бас борышым



*Оьзининъ ис борышына коьре, Шарипат Заурбековна Байгазиева (суьвретте) авыл ясуьйкенлерине, ярдамга керексинетаган аьдемлерге, оьз пайдасын тийдиреди. Нариман авылында ол канагатлайтаган сегиз аьелдинъ аьдемлери ога уьйкен савболсын айтып, разылыкларын билдиреди.*

*Шарипат Заурбековна буьгуьнлерде КЦСОН куллыкшысы болып аьрекет этеди. Онынъ ис борышы – керексинген, оьзине тапшырылган аьдемлердинъ уьйлерин йыйыстырув, кишин ювув, асын асув эм сондай баска уьй-ишликтеги куллыкларын этуев.*

*Ол бу тармакта он йылга ювык заманлар ислеиди. Сол йыллар ишинде ис йолдаслары арасында да, оьзи карайтаган ясуьйкенлери арасында да сый казанып келген.*

Казах халкы ногайлар ман ювык. Бизим тамырымыз да, тарихимиз де ортак. Сога коьре, биз бу куьнлерде байланыстан уьзилмеймиз. Бир-биримиздинъ ерлеринде конакта боламыз.

Янъыларда Ногай районга Казах Республикасыннан конаклар – республикалык «Казахстан» телевидение куллыкшылары Болат Айтман эм Джанибек Джанибеков келдилер. «Келуьвимиздинъ мырады тюрк тилли халклардынъ маданияты, санияты сакланганын тергев. Бизге кардаш халкымыздынъ, олардынъ белгили, маданият оьрленувине уллы косым эткенлердинъ аты ман танысув бек маьнели», – деди тавысында кызыксынувы ман Джанибек.

Биз конаклар ман Кадрия

атындагы школага барган мезгилде йолыгыстык. Мунда кардаш халкынынъ ваькиллери Кадриядынъ музейинде болдылар. Оларга музейдинъ ашылувынынъ тарихи акында орыс тилининъ эм адабиятынынъ окутувшысы М.Мусаурова хабарлады.

– Кадриядынъ музейин школамаызда ашар уьшин коьп аьдемлер куллык этти, олардынъ баьрине де савбол айтамыз. «Мектебимиз Кадриядынъ атын бардырган сонъ, музейи де школамаызда болмага тийисли», – деген оиды бизге алдынгы етекшимиз Б.Бекмурзаев айтты. Оннан сонъ аьлиги етекшимиз А.Акимова да музейдинъ аьрекет этуьвининъ уьстинде аз куллык этпеди. Ерли уьлке танув музейдинъ етекшиси

К.Бальгишиев те, китапханада материаллар йюьвда коьмек эттилер, шаиримиздинъ кардашлары онынъ затларын бердилер. Окувшылар коьмеги мен биз йыйган затларды ерлестирдик. Школамызда музей 27-нши апрельде ашылды, сога биз бек суьйинемиз.

Сонъ шаир кыздынъ музейде сакланатаган затлары акында кызыклы хабарды 9-ншы класс окувшылары Янмурза Кожаев пен Расул Багаудинов бардырдылар.

Оннан сонъ республикалык «Шоьл тавысы» газетасынынъ бас редакторы Э.Кожаева музейге оьзининъ Кадрияга багыслап язган «Ети айлы куьн еннетке дейим» деген макаласы 1993-нши йыл баспаланган «Молодежь Дагестана» газетасын тапшырды. Ол биринши

кере шаир кызды бала заманында шаиримиз Магомет Кожаев пен бирге тавлы халкынынъ ваькиллери мен коьргени акында хабарлады. «Кайтип биз оьктемсидик белгили аьдемлер арасында бизим ногай яслар да болганына», – деп косты ол оьз соьзине. – 1993-нши йыл йырлавшымыз Зухра Шандиева (яткан ери еннетли болсын) Казахстанга барып канатланып келген эди. Ол, Алма-Атада «Азия тавысы» фестивалинде катнасып, 10 финалистлер сырасына кирген. Мунда ол режиссер ман танысып шаиримиз акында хабарлаган, онынъ акында киноповесть язылса экен деп мырат эткен. Мине онынъ мырадынынъ толувыннан тура ис басланды.

Н.КОЖАЕВА.

## Куллыклар – туъзилген Планга коъре

Объткен 2015-нши йыл-дынъ 25-нши декабринде Дагестан Республикасы-нынъ Обкметининъ «2016-ншы йылда Дагестан Респу-бликасынынъ приоритет-ли оърленуъв проектлерин яшавга шыгарув акында» деген токтасы ман 2016-ншы йылга «Янъы индустриализация» деген при-оритетли оърленуъв проектти яшавга шыгарув бойынша Шаралар планы беркитил-ген эди. Сол Планга коъре патшалык коршаланув бу-йымы бойынша продукция-ды ислеп шыгарувды, озган 2015-нши йыл ман тенъ-лестиргенде, 15 процентке оъстирмеге каралады. Соны ман бирге республикадынъ промышленность предпри-ятиелеринде ерлестиреле-таган патшалык эм муниципаллык буйымлар оълше-мин былтыргыга коъре 1,2 кереге арттырмага, импорт-ты авыстырувшы янъы алатларды эм туъзувшы затларды шыгарув аркасы ман 1,0 миллиард маънет-ке производство оълшемле-рин коъбейтпеге, янъы уыш индустриаллы паркларын эм технопаркларды туъзбе-ге ниет этилинеди.

Уъстимиздеги йыл-дынъ басыннан алып Даге-стан Республикасынынъ Промышленность эм сав-да министерствосы респу-

бликадынъ толтырувшы власть эм муниципаллык образованиелерининъ ерли самоуправление органла-ры ман бирге «Завод «Даг-дизель» ашык акционерли ямагатын модернизациялав программасын, Дагестан-дагы баска уйкен корша-ланув предприятияелерин, «Авиагрегат» ашык акцио-нерли ямагатынынъ инве-стиционлык проектлерин, «Дагфос» акционерли яма-гатынынъ производствосын модернизациялав проекtle-рин оърлентуъв программа-ларын яшавга шыгарув бо-йынша айырым куллыклар оъткерген.

Республика еринде кор-шаланув предприятияеле-рин оърлентуъв програм-маларын озгарув эсабында 2016-ншы йылга патшалык коршаланув буйымлары-нынъ прогнозлы оълшем-лери бойынша информаци-яды йинов эм асыллау кул-лыгы юритилген. Аьлиги заманда предприятияелер аркасы ман патшалык кор-шаланув буйымлары бо-йынша конкурс савдала-рында катнасувга аьзир-ленуъв, 2016-ншы йыл-га тийисли контрактларды туъзув бойынша айырым ислер юритилип туры.

«Концерн «Кизляр-ский электромеханический завод» деген ашык акцио-

нерли ямагаты ман 8 туър-ли импортты авыстырув алатлары бойынша, (сонынъ 3-ви аьли комплексли тех-никалык сынавларын оъте-ди) сулыплы уьлгилерин шыгарувды онълав ягыннан куллык юритилип турады. Солай ок авиамеханикалык заводынынъ экинши кезуъ-вин ислетуъв уьшин керек-ли алатларды сатып алув эм ерлестируъв бойынша да айырым ис бардырыла-ды. Промышленность про-изводство тармагында аъре-кет этетаган программалы эм нормативли документ-лерди дурыслав эм туърлен-туъв бойынша куллык оът-кериледи. Сойтип, аьлиги заманда «Дагестан Респу-бликасынынъ промышлен-ностин 2015-2020-ншы йыл-ларга оърлентуъв» деген ДР патшалык программасы-на, Дагестан Республикасы-нынъ промышленностин-де импортты авыстырувга демевлик этуъв бойынша Шаралар планына туърле-нислер киргистуъв акында сорау каралады.

«Янъы индустриали-зация» деген республика-лык приоритетли оърленуъв проектин яшавга шыгарув бойынша Шаралар планын толтырув ниетге Дагестан Республикасынынъ Обки-мети 2016-ншы йылга ти-йисли токтас кабыл эткен.

айырув конкурсында кат-насув уьшин ДР МО-лар ерлеринде оларды яшавга шыгарувга субсидиялар алув уьшин кайдай доку-ментлер кереклиги, заявка кеби эм гражданлар йыйы-нынъ протоколынынъ кеби беркитилгенлер. Сол буйрык токтастырыл-ган йорыкта ДР Юстиция министерствосында реги-страцияланган эм ДР Эко-номика эм территориал-лык оърленуъв министер-ствосынынъ официаллык сайтында ([www.minec-rd.ru](http://www.minec-rd.ru)) ерлестирилген.

пен, «Концерн КЭМЗ» ОАО етекшиси И.Ахматов пан эм ДР промышлен-ность, савда эм инвестици-ялар министри Ю.Умавов пан йолыгыслар болды-лар. Сол форумда 18 ястан 35 яска дейимги 600 яслар катнастылар.

Г.САГИНДИКОВА.

## Айтувлы согыс операциясына – 100 йыл

Муннан 100 йыл артта, 1916-ншы йыл-дынъ 4-нши июнинде 1-нши Дуныя согы-сынынъ тарихинде Кубыла-Куьнбатар фронтынынъ атаклы коътерилиси бас-ланган. Бу согыс операциясы сонъында тарихке «Брусиловтынъ йырувы» деген аты ман кирген.

Алексей Брусилов сол йыл Кубыла-Куьнбатар фронтына командующий этип беркитилип бир юма да оътпей, алдыга коътерилуъв планын ойлап туъ-зеди. Онынъ планына коъре, савлайы фронт бойынша душпанга карсы баъ-ри де армиялар бирге косылып атакага коътерилмеге керек эди. Сондай йоры-ты ол заманларда бирев де билмейтаган болган. Соны ман Брусилов ойлап туъз-ген план бойынша 8-нши армия гене-

рал А.Калединнинъ етекшилиги мен Носовичи – Корыто 16 шакырымлык участокта фронтты йырады эм 7-нши июнде Луцкты бийлеп алады. Сойтип 15-нши июнге орыс аьскерлери эрц-герцог Иосиф Фердинандтынъ 4-нши австро-венгер армиясын бузгышлайды эм 65 шакырым алдыга йылысады.

Бу аьскер операциясын уьстинлик-ли оъткергени уьшин А.Брусиловты Оър Бас командующийиндеги Георгиев Дума-сы 2-нши дережели Киели Георгийдинъ ордени мен савгалау акында карар шыга-рады. Ама патша II Николай сол карар-ды кабыл этпеген эм А.Брусилов генерал А.Деникин мен бирге бриллиант таслары ман ярастырылган Георгиев савыты ман савгаланган.

## Япсарды коршалар ниети мен

Япсарды коршалау ниет пен, кайсы элде болса да, пограничниклер аьске-ри туъзилген. Олардынъ куллыгы енъиллерден тувыл. Меним ойыма коъре, бу сырада тек оъз исине мукаят, ойлап та, коърип те болатанган инсанлар тур-мага керек. Погран аьскери яшавдынъ кайсы заманларында да бек маъне-ли болган эм аьли де болады. Бу аьскер боьлиги туърли заманларда йога-ры власть органларынынъ етекшилиги астында куллык эткен.

Буьгуьнлерде сол аьскер боьлиги Федераллык пограничный службасы деп аталып, Россия ФСБ-сынынъ кол астында аьрекетин бардырады. Олардынъ борышлары – Россия Федерациясынынъ кайсы яктан да япсарларын карав.

Эли алдында эр боры-шын япсар каравда толтыр-ган бизим ердеслеримиз де бар. Солардынъ биреви Ораков Аскер Енали увылы болады. Ол оьзи асылы ман Ногай шоьлимиздинъ Куьн-батар авылыннан. Балалы-гы, яслыгы тувган еринде озган. Ога яшавдынъ соци-аллык туъзилиси бузыла-таган шакларында аьскер сырасында куллык этпе-ге туъсти. Тек оьзининъ айтувы ман, сол йылларда яшавда коъп затлар танъкы болган болса да, ол болган аьскер боьлигинде канагат-лав тийисли дережеде эди.

Аскер Ораков оьзи-нинъ тенълери мен бирге Терекли-Мектебтеги аьскер комиссариаты ман аьскер сырасына шакыртылган.

– Баслап бизге (Ногай районыннан уьш кеде эдик) Кропоткино каласында эки ай узагында окымага туъсти, оннан сонъ япсар каравга шыктык. Япсар карав тынышлардан тувыл эди. Мен аьскер сырасын-да куллык эткен шакларда бир неше заставаларда бол-мага туъсти. Оъз йолдасла-рымды йойган шаклар да болдылар. Сол энъ де кый-ын заман эди деп санай-ман. Сени мен бирге эртен-нен кешке дейим бирге юрген йолдасынъ явдынъ колыннан коъз алдынъ-да кешип кетеди. Ол бек юректи авыртады, коьньи-линъди туъсиреди – неге меним куьшим оны кут-карувга етпеди деген ойга



каласынъ. Сол оьлген йол-дасымды мага уьйине еткермеге де туъскен, – деп хабарлайды Аскер Ораков, аьскер сырасында болган шакларын эсине алып.

Сол йыллар ишинде ол Россиядынъ Абхазия ман Грузия, Ингушетия япсар-ларын да караган, Каспийск каласындагы аьскер верто-летлары туратаган майдан-ды да, аьскерши алатлар сакланылатаган складлар-ды да караганлар.

– Аьскер сырасын-да болган заманларда биз тек япсар карап калмадык, мен болган боьликти Кара-чаевск каласына аькетип, туъзилисинде 200 аьдем болып, мото-маневрлы куьп те уйгынланган. Сол куьп кыйынлы аьлге туъ-

скен ерлерге аькетер мырад пан туъзилген эди, – дейди алдынгы япсар саклавшы.

Буьгуьнлерде де Аскер Ораков элди коршалавшы-лар санында. Ол оьзининъ аьскер сырасында алган сулыбын аьли Россия МВД Ногай районы бойынша иш ислер боьлигинде аьреке-тин бардырувда кулланады. Ол аьли де исине яваплы карайтаган куллыкшылар-дынъ бириси.

Янъыларда Погранични-клер куьни белгиленди. Сол куьнди де йолыгып, озгар-дылар баъри погранични-клер, солардынъ сырасында – Аскер йолдасымыз да.

Г.САГИНДИКОВА.  
Суьврете: А.Ораков аьскер сырасында 1996 йыл.

# Бактысы Баба-юрт пан байланыслы

Тав-тавга йолыкпас, аъдем-аъдемге йолыгар деп, арада бир бек кызыклы, хабарламага авас аъдемге йолыгып каласынъ. Сойлеспей, тап бир анъсыздан. Сондай аъдемлер коыптен токтап, уйып калган ойынъды толкытады, ян авлаган уьресин тийдиреди; тысавланган оыларынъ шелтек капавдан босанган куслардай бийиклерге саркады, эш куытпеген янъы ой-карасларга туьгиледи. Алимхан-агайга шынтысы ман анъсыздан карсы келип калдым. Оьзин ногайман, ногайлыман деп санайды. Эм ногай болганына оьктемсигендей коьринеди.

Алимхан Саьлимгерей улы 1937-нши йыл тувган. 1940-ншы йылда ата-анасы Бабаюртка коьшип келеди. Мунда Алимхан ети классты битиреди. 1957-1960 й.й. Уфа каласында ол аьскерлик борышын толтырады. Аьскерлик йылларында бир йорыкка Семипалатинск каласында ушуга аьзирлейтаган окув отанында бир-неше айлык курсты битиреди. Аьли Алимхан-агай Бабаюрт районынынъ Бабаюрт авылында яшайды. Ети баладынъ атасы. Балшыбын асыллав ман каьрлейди. Бабаюрт авылыннан экенин эситкенде, кызыксынувым куьшейди эм агай ман мунавдай хабарлав этип алдым.

**Сорав:** *Агай, мен Дагестан яшавшысы болсам да, Бабаюртта эм районнынъызда болмага мырсат болмады. Тек эситкеним бар, сиз бетте де ногайлардынъ номай кесеги аьвелден яшайды деп.*

**Явап:** Иним, керти айтасынъ. Районымызда хыйлы ногай авыллар эм ногайлар да яшайтаган авыллар орынласкан. Ол

КЕСПИ УСТАЛЫГЫ МАН

авылларды атап та озайым: Тамаза-тоьбе, Геме-тоьбе, Мужукай-авыл, Оразлы-авыл, Хасанай-авыл, Люксембург. Давга дейим Кашалай-авыл, Кара-тоьбе деген авыллар да болган. Тек дав йылларында олар бузылганлар. Солак (Сулак) авылы да Бабаюрт районына киретаган эди, тек ол авылды сонъында Махачкаладынъ бойсынувына тарттылар. Солак авылы (ерли ногайлар аьли де соьйтип агайдылар) 17-нши юзйыллыкта курылгандай коьринеди. Бу авылдынъ яйлакары бурынгы ногай мырзасы Дапуьк-бийдинъ авлагы болган. Халк оны Буьрше-бий деп те айтатаган болыпты. Онынъ бир кызы болган. Кызын Эндирей-авылдынъ бийи Солтамутка береди. Солтамут – Шамхал бийдинъ увылы. Анасы – кабарты кысаяклы. Дапуьк-бий дуныядан тайган сонъ, Солак авылдынъ яйлакары Солтамутка калады.

**Сорав:** *Агай, оьзинъизди Бабаюрт-танман дейсиз. Сосы орталыгынъыз акында, онынъ тарихи акында да не айтпага боларсыз?*

**Явап:** Бабаюрт Яхсай оьзенининъ бойында орынласкан. Бабаюртта балалыгым оьтти. Ол – меним ата-бабаларымнынъ юрты. Бурын, ал деп Бабаюртка Саьлимгерей-авылы деп айта-таган болганлар. Уьйкен атамыз Саьлимгерей Кыргыздагы Кыргыз-герейлердинъ тукумларына кирген.

**Сорав:** *Бу якларга, Уьйкенсудынъ (Каспий) бойларына тап Кыргызнан уьйкен аталарынъыз не себептен шыгып калган экен?*

**Явап:** Тарихте де айтылады, 18-19-

ншы юзйыллыктарда орыс патшалыгы ман туьрк патшалыгынынъ оьсесуьви куьшейип баслайды. Айлак та Кыргызнан себеп. Кыргыз-герейлер Туьрктинъ ягын ыслайды. Орыс патшалыгынынъ куьшееген мезгиллери. Кыргыз ханлыгы бузгышланува ушырайды. Онынъ якшыларына куьгынлык туьседи. Соьйтип Саьлимгерей атамыз Кобан бойына тайысады. Оннан буьгуьнги сизинъ Эдиге авылынъыздынъ яйлакарына келеди. Сонъында Териксувын оьтип аьлиги Бабаюрт орынласкан ерге келип, юрт курады. Саьлимгерейден сонъгы аталарымыз куьгынлыктан ташанып, юртты, Саьлимгерейдинъ атын койып, баба юртымыз деп атайды. Тек тукумымыз Саьлимгереев болып калады. Саьлимгерейден сонъгы аталарымыз Аьдилгерей эм Салатгерей. Салатгерей – меним оьзимнинъ атам. Баба юртымыз 1850 й.й. курылгандай коьринеди.

**Сорав:** *Агай, буьгуьнги ногайымыздынъ акында, онынъ яшав-турмысы, касиети ягыннан коьзинъызге кайдай нышанлар тасланады?*

**Явап:** Биз – шынтысы ман баьтир халктынъ балалары. Мени бизим тарихимиз, аьлиги несиллердинъ оьнерлиги, билимлиги бек куьезлендиреди. Тек, оькенишке, сол ок заманда буьгуьнги ырувымыздынъ тыпаксызлыгы, бирев-биревине тирев болалмайтаганлыгы коьнъилимди тоьменлетеди. Буьйтип яшасак, яшавдынъ тегершигине яншылып калмага болаякпыз.

Хабарласувды юриткен  
А.КАПЛАНОВ.

## Суьйикли исине – яны ман

Китап окумага суьюв аьр бир аъдемнинъ яшавын бай, туьрли туьсли этип, соьз шеберлигин оьстирип, кайсы аъдемге де янъы яшавдынъ кызыклы сокпакларын ашып келеди. Сондай кызыклы кеспилердинъ бирисине оьзин савлай багыслап келгенлердинъ бириси – Асият Ибрапилова. Онынъ кесписине суьйими анъ байлыгын, соьз шеберлигине усталыгын оьстирип, коьп кызыклы аъдемлер мен таныстырып, яшавында йол коьрсеткиш болып келди.

Асият Алиевна Ибрапилова (Аджимурзаева) бала шагыннан китап окувга аваслыгы уьйкен эди. Ол Али эм Давлетханнынъ коьп балалы татым аьелинде экинши бала эди. Аьел басы Али Арсланбек авылында окытувшы болып аьрекет этетаган эди. Кысаяклы 1955-нши йылдынъ 26-ншы ноябрь айында сол ок Арсланбек авылында тувады. Тек коьп заман кетпей, Аджимурзаевлердинъ аьелине Шешен Республикасынынъ Мирный деген авылына коьшпеге туьседи. Онда кыздынъ атасы Алиге баслангыш мектебтинъ етекшиси аьрекетин юритпеге туьсти. Асият сол ок авылда 4-нши классты, оннан сонъ Сарысув авылында 5-6-ншы классларды окып битиреди. 7-нши класстан 10-ншы класска дейим Асият Грозный каласында школа-интернатта окыйды. Кыздынъ китап окувына суьйими оьскенде де суьымады. Грозный каласында да окувшы кыз Чехов атындагы китапханадынъ йыйы конагы болып, баьри дагестан авторларынынъ китаплерин окып шыгады. Боьтен де ол белгили даге-



стан шаири Р.Гамзатовтынъ шыгармаларын суьйип, оларды бир неше кере кайтарып окыйды. Ол китапхана куллыкшысы болаякпан деген мырад пан Грозный каласындагы культпросвет училищесининъ китапхана боьлигине туьсип, оны окып битиреди. Сонъында Кизляр каласынынъ орталык китапханасында эки йыл куллык этеди. Сол йылларда ногай кызды авар ясы Магомед яратып, 1979-ншы йыл эки яслар аьел курадылар.

Сол йылларда яс аьел Украинага коьшип кетеди. Кысаяклы оьзининъ кесписи бойынша билимин оьстируьв мырадта Харьков каласындагы Патшалык культу-рологиялык институтынынъ «Библиоте-

коведение» боьлигине заочно туьседи. Краматорск каласында аьели мен яшайды. Сол ок калада 5 йыл китапханада етекши болып аьрекет этеди. 10 йылдан сонъ Ибрапиловлардынъ аьели Махачкалага кайтады. Эм мине 26 йыл ол Дагестан патшалык медициналык академиясынынъ илмилик китапханасынынъ окув залында етекши аьрекетин юритип келеди. Онынъ сав яшавы суьйикли кесписине, китапхана яшавына багысланып келди.

Исине яваплы караганы, куллыгын яны ман суьйгени, Дагестаннынъ медициналык академиясынынъ студентлерин керекли адабияты ман узак йыллар бойы канагатлап келгени уьшин Асият Алиевна «Савлыкты саклав тармагынынъ ат казанган куллыкшысы» деген сыйлы атка да тийисли этилген. Ййги иси белгиленип, ога коьп кере Сый грамотала-ры, разылык хатлары да тапшырылган.

Наьсипли ана Асият эри Магомед пен эки увылларын оьстирип, аяк уьсти-не салдылар. Эки увыллары да меди-циналык академияды окып битирип, суьйген ислери мен аьрекет этедилер. Татым аьелдинъ куьезин оьзининъ туьувы ман суьйикли уьш уныклары узайтып келедилер. Асият эм Магомед Ибрапиловлар оьз яшав маьнесин балдан таьтли уныкларын-да, аьвлетлеринде, суьйикли ис етимисле-ринде тавып, бактыларына куьезленип яшайдылар.

Г.НУРДИНОВА.  
Суьврете: А.Ибрапилова.

ДР ОБКИМЕТЕНИНЪ  
ТОКТАСЫНА КОьРЕ

## Дагестаннынъ ваькиллик белгиси



«Дагестан Республикасынынъ «Бренд «Дагестан» ваькиллик (имидж) белгиси (армаган – Белги) графикалык суьвретен эм язылма кесегиннен туьзилген.

Белги ак майданда орынластырылган тувра ортасыннан эки бир-бирине тенъ кесеклерге боьлинген ашык капылы беркитпе (крепость) башня суьвре-ти кебинде ясалган, сонынъ сол ягы – саргылдым-ак, а онъ ягы – куба туьсли. Онынъ уьстинде эки бир-бирине тенъ кесеклерге боьлинип, эки туьсли куьн коьзи ясалган, куьннинъ сол ягы алтынсы-мал, онъ ягы – кызгырт-сары туьсли. Башнядынъ табанында эки тенъ кесеклерге боьлинген тенъыз толкынларынынъ суьв-рети. Солардынъ сол ягы – коькшил, онъ ягы – коьк туьсли. Башнядынъ артында эки тенъ кесеклерге боьлинип ак кар туьсли баслары яркыраган тавлар ясалган. Тавлардынъ сол бети – акшыл ясыл, онъ ягы – карасымал ясыл туьсли. Белгидинъ тоьмен бетинде кара арыплар ман «Даге-стан» деп язылган.

ОРТАК ПАТШАЛЫК  
СЫНАВЛАР

## Балалардынъ билимлерин тергеп

Окув йылдынъ тамамланувы ман шко-ла выпускниклерине Ортак патшалык сына-вларды оьтпеге туьседи. Бу оьткен окув йылдынъ ызында патшалык сына-вларды тек школады кутылатаганлар туьыл, баслангыш классларды кутыла-ган окувшыларга да оьтпеге туьсти.

Россия Федерациясында, сонынъ санында бизим республикамызда да макулласып салынган расписаниеге коьре, Ортак патшалык сына-влар оьте-дилер.

Школады кутарды деген аттестатты алар уьшин, аьр бир выпускник эсап дери-сининъ базовый дережесиннен сына-вды оьтпеге керек. Соны бизим республикамыздынъ выпускниклери 85 токтасты-рылган пунктларда эм 2 уьй уьстинде (сакат балаларга) бердилер. Окувшылар 180 такыйка ишинде 20 эсап борышын толтырмага керек эдилер.

Россия бойынша Ортак патша-лык сына-влар 30-ншы июньге дейим юритилеек.

ДР Билимлендируьв  
министерствосынынъ  
пресс-службасы



## «Шоьл тавысы» – бизим газетамыз



Быйылдынъ ноябрь айында Дагестан Республика еринде шыгарылатанган «Шоьл тавысы» газетасы озининъ 85-нши йыллыгын белгилейди. Сосы газетамыз тек район еринде тувыл, аьлиги заманда республикалык дережеде журналистлердинъ уйкен куьбин бириктиреди.

Газетамыздынъ бетлеринде бир бизим районнынъ тувыл, савлай республикамыздынъ социал-экономикалык яктан оьрлнуув йоллары, маданият эм баска тармакларда орын тапкан илгериликлер коьрсетиледи, яшавшылардынъ баьтирлик эм ис кайратлыклары акында макалалар басаланадылар.

Оьткен йылларда шыккан газета бетлерин актарып карасанъ, не шаклы мактавлы атлар, не шаклы кызыклы санлар эм фактлар, уйкен эм кишкей элимизге сыйлы кепте куллык этуьвдинъ мысалларын коьремиз.

Газетамыз аьрекет эткен йыллары ишинде онынъ редакторлары авыстылар, журналистлер сырасы янъыргылды, сулыплы эм оз ислерин ийги билетанган ветеранлар орынына яс несил келди. Заман сондай эм сондай болмага да керек. Тек бир зат бизди бириктиреди: газетамызга – суьйимлик, сайлаган кеспимизге аалалык.

Мен озим ана тилимизде шыгарылатан газетамыз бан 60 йылдан бери

байланыс тутаман: онынъ бетлеринде туьрли жанрларда (ятлавлар, поэмалар, хабарлар, макалалар) язганларымды басалап келемен эм оны ман оьктемсиймен. Бизим газета бетлеринде басаланувдан баслаганлар озлерининъ яратувшылык йолын ногай адабиятыннынъ аксакаллары Муса Курманалиев, Зеид Кайбалиев, Фазиль Абдулжалилов, Суюн Капаев, Куруптурсун Оразбаев, Абдулла Бариев. Сакланган газетамыз бетлеринде яс несилке калымжа эсабында журналистлеримиз Куруптурсын Кокоевтинъ, Кожакмет Муллаевтинъ, Муса Отаровтынъ, Бадий Аджигельдиевтинъ, Абдулла Юсуповтынъ район яшавы ман байланьста язылган терен иштеликли макалалары.

Аьли де газета коллектив басында сулыплы журналист эм шаир кызымыз Эльмира Кожаяевдинъ етекшилиги мен ийги аьдетлерди бардырмага шалысады дер эдим. А бугуьнде, меним ойыма коьре, газетадынъ аьр номеринде онынъ мерекесине багысланган материаллар, суьвретлер, эскеруьвлер болганы аьруьв. Мен озим де газета бетлеринде ис йолдасларым, сулыплы журналистлер М.Отаровтынъ, А.Юсуповтынъ, И.Нукеевтинъ, К.Оразбаевтинъ акында эскеруьвлери мен боьлиспе не иетим бар.

**А.КУЛТАЕВ,**  
*шаир.*

### АКЫЛЛЫ ОЙЛАР

## Атайлардан калган асыл соьз

- \* *Бесиктеги бала бес туьрленер.*
- \* *Юректинъ эми – юректе.*
- \* *Аьруьв кавынга курт туьсер.*
- \* *Толган казан бир тоьгилмей болмас.*
- \* *Яман оьгиз шомаша сындырар.*
- \* *Ашуьв – алдында, акыл – сонъында.*
- \* *Юьврт тоьгилген ерде югыс калар.*
- \* *Кылый эки кисиди алдатар.*
- \* *Кара шайым – кайгысыз басым.*
- \* *Атымды атым шыгарар, данымды хатын шыгарар.*
- \* *Мынъ куьн байтал болганнан, бир куьн айгьыр бол.*
- \* *Соьйлесенинъ соьккендей – берген асынъ тоьккендей.*
- \* *Тил – алат.*
- \* *Оьтириктинъ оьркени йок.*
- \* *Шоьрегинъ таза болса, ерде ятып атарсынъ.*
- \* *Элге душпан – сага душпан.*
- \* *Коьп тилеги – коьл.*
- \* *Адасканда айып йок, кайтып Элин тапкан сонъ.*

**Йолманбет АГАСПАРОВ**  
*иййган.*

### Б.КУЛУНЧАКОВАДЫНЪ 70 ЙЫЛЛЫГЫНА РАС БАРЫП

## Ашык юрекли, кенъ абырайлы

Дагестан халк язувшысы Бийке Кулунчакова повестьлер, хабарлар, ятлавлар, пьесалар, эсселер язады. Онынъ баспалаган шыгармалары, куьн коьзининъ алтын нурлары астында кызарып пискен алмадынъ ийнсиндей болып, окувшыларды сукландырып тербиялайды, юреклерин йылытып, ойландырады, яшав маьнесине, табиятынъ ыспатлыгына, оьлен-шоьптинъ туьсине эс эттиреди. Б.Кулунчакова озин суьвретлейтаган аьдемлердинъ яшавы ман яшайды, олардынъ ишки дуьнясын, сезимлерин, ниетлерин повестьлеринде ашык кепте коьрсетеди. Асарлардынъ тили енъил, анълавлы, кулланган аталар соьзи, янлы оьрнекке усап, юрекке якын тиеди.

Онынъ яратувшылыгы акында аьлимлер, язувшылар буьлжилдеген булак сувындай юмарт соьзлерин язганлар. Ногай тил окутувшысы Зухра Мавлимбердиевадынъ соьзлерин келтиремен. «Бос заманларымды Бийке Кулунчаковадынъ повестьлери мен йиберемен, балаларымнынъ аьвлетлерин ногай язувшылардынъ китаплерин окумага аваслыгын коьтерип тураман». Йырлавышы Асанбий Анвар улы Алиевтинъ айткан соьзлери эсима тык деп туьсти: «Мен уйкен шаьарлерге йолланганда Кадриядынъ ятлавларын, Бийкединъ повестьлерин озим мен алып шыгатаган эдим. Аьруьв танысларыма савкат этип беретанган эдим». А.Алиев йыйылысларда Б.Кулунчаковадынъ «Йолыгьсы» деген йырын бавырмалы тавысы ман йырлайтаган эди.

Б.Кулунчаковадынъ хабарлары юрек ашыклыгы ман, тазалыгы ман ашувлы аьдемнинъ ашувын, мунълы аьдемнинъ мунъын, шиййибектинъ туьйининдей, такатады, ювсанлы елдей болып, окувшылардынъ коьнъилине енъиллик эндиреди. Макаламда язувшыдынъ уьш хабары акында соьз бардыраман.

Бийке Кулунчакова «Йолда» деген хабарында баьтирининъ аты ман озининъ яшавы акында танълайын такылдатып аьжейип хабар юритеди. Институтта окыйтаган йылларын да ол Адильхан ман танысып, уйлендилер. Совхозда биревинъ – бухгалтер, биревинъ мал доктыр болып ислеидилер. Он йылдынъ ишинде Ногай шоьлинде абырайлы аьелдинъ бири боладылар. Аьелде уьш бала тувады. «Баьле-каза кайда йок, барсанъ – аяк астында» дегенлей, капилистен уйдей каза келеди. Адильхан танъ коразбан уянып, совхоздынъ малын тергемеге кетип, йол катесине туьседи. «Баска



келген казага, бас пан кулак садака» депти атайлар. Онынъ бир садакасы кабыл болып, шыбын яны аман калады. Адильхан ярым йылдан артык больницада ятады. Кыйынлык келгенде хатын абдырап калмады. Хабардынъ баьтири озининъ аьлин мунавдай соьзлер мен билдиреди: «Кыйынлык елкемнен басканда, эримди суьетаганымды анълайтаган эдим. Оьзим уйде болсам да, юрегим больницада калган эди». Адильханды аяк уьстине тургызаяк болып, хатыны арт-алды карамай, ювьрып юреди, корадагы малын, колындагы юзигин, кулагындагы кулакшынын сатпага туьседи.

Анасы келип: «Балаларды да ойласанъ, озинъ де азып-тозып кимге усагансынъ? Тезден ятып калаяк болсанъ да билмейсинъ» – деген кызына. Анасы кызынынъ йоьнъкигенин коьрип, яны авырып айтады. Онынъ айткан соьзлери, авран оьлендей увлы болып, кызынынъ юрегине тиеди. Анасынынъ соьзлерине кызы оьпкелеп, коьзине карап сорав береди: «Аьше сакат болды деп куьевимди тасламага керекпен ме?» Кызынынъ анасы-

на берген соравы «суьйим коьйлек тувыл, шешип тасламага, сыйыр тувыл, иерттип базарда сатпага» деген айтувды эсима салды. Байы уьйине кайтып келсе, корада мал, колында юзик, кулагын да кулакшын болаягын ол биледи эди. Эрине Москвага больницага барып кайтканда, йолда поездтеги йолдаслары ман соьйлеп, туьрли аьеллердинъ хабарларын тынълайды, суьйимине алалык керегин тагы да бир анълайды.

Б.Кулунчаковадынъ «Солай да болады экен» деген хабарында Мусадынъ баалы коьлиги де, азбарында ак кербиштен янъы меканы да бар. Ол совхозда бас экономист болып ислеиди, куллыкта да, уьйинде де даьндурьиктей болып айланып, савлыгын тергетпеге колы тиймейди, басы авырыганда дарман ишип юре береди. Онынъ хатыны Кабират, «аьзир ас, йылы кос» дегенлей, дуьняга тоймай яшайды. Муса ийнедей уьньип, йиптей синъип юретаган эди. Бир куьн ол: «Баьрин де таслап, тыншаймага кетейим усайды. Сондай да арийман», – деди хатынына.

– Сен кетсенъ, аьше ол

уьйлерге батареикалар салынув не болаяк? – дейди хатыны Кабират. Байынынъ савлыгы ога дал хайыр эди. Ама этилмеген исти эттиртеек болып, кандалай кимик Мусага каптырылып, уьмитининъ канатын сындырады. Муса яс заманнан алып Райханды ярататаган эди. Райхан да баскага куьевге шыкса да, Мусады ойлап турып, эри мен уйыспайды экен. Муса баласынынъ языгын ойлап, кисидинъ колына йибермеек болып, хатыныннан айырылмайды. Муса бир тойда Райхан ман бийип турады.

– Сага не болды аьше мени уятка калдырып? – деп пишеси оннан сорайды.

– Мен суьемен ол хатынды! – дейди Муса. «Яшавым бу кепте калып болма-як. Бир якка йыкпага керек» деген ойлар Мусадынъ нава-сын алатанган эдилер. Дуьня кашып, ол кувып, авсар кисидей болып юргенине оькинеди. Етим суьйимнинъ еми-си ашшы экени хабарда коьринип туры. Яшавда аьдилликке сенген аьдемге наьсип келеди дегенлей, Муса юрегининъ ян тамырында суьйим ялыннынъ алавын сезип, аьдилликтинъ йолына йигерли абыт алады.

Б.Кулунчаковадынъ «Сатылган намыс» деген хабарында савда юритетаган туькенши арсыз аьдем экенин суьвретлейди. «Намыс кирлиги кум ман ыскыласа да таймас» дегенлей, сондай аьдемлердинъ бириси непсин тыйып болмайтаган туькенши Рамазан, неге десе онынъ бети калын, намыс оны кемирмейди. Намысын саткан аьдемлер арамыздан енъил шатырдай болып ушып кетип йок болса экен, яшав мукаят та ыспайы болаяк эди. Оькинишке, бу куьнлерде ырызгысын сатып байымага суьетаганлардынъ саны коьбее береди.

Б.Кулунчаковадынъ хабарлары бу куьнлерде де куьдиретли куьшин, терен маьнесин йоймаганлар, терисликти йыкпага шалысадылар, окувшылардынъ юреклерине тийип, сезимлерин козгап, ойларын таластырып турадылар.

**ТАКМАНБЕТОВ.**

**Суьвретте:**

*Б.Кулунчакова.*

### СОГЫС БАЛАЛАР КОЬЗЛЕРИ МЕН

## Ийги дегенлер белгиленди

Йыл сайын Уллы Аталык согысын-да Енъуьв аькелген йигитлеримизди эслеп, Уллы Енъуьв куьнине багысланып, билимлендируьв учреждениелеринде согыс акында ятлавларды яттан окув конкурслары озгарылады. Сондай шаралар Терекли-Мектеб авыл «Юлдыз» балалар бавында да озгарылады. «Биз эсимизде саклаймыз! Биз оьктемсиймиз!» деген шарады оьз тербияланувшылары ман Максотова Айгуль Крымхановна озгарды. Балалар согыс акында

ятлавлар оқыдылар, йырлар йырладылар, сценкалар коьрсеттилер.

Яттан ятлав окув конкурсында уйкен эм орта куьплердинъ тербияланувшылары катнастылар. Уйкен куьпте биринши орынды Азиза Бекмуратова (тербиялавышы Булатова Р.Б.), экинши орынды – Али-на Лукманова (тербиялавышы Булатова Р.Б.), Амирлан Толемиев (тербиялавышы Акбиева У.А.), уьшинши орынды – Фатима Алыпкаева, Амина Мурзакаева (тербиялавышы Ханмурзаева А.С.), Альгаир Джумаев (тер-

биялавышы Булатова Р.Б.) алдылар.

Орта куьптен биринши орынга Медина Менлиязова (тербиялавышы Максотова А.К.), экинши орынга Диана Агисова (тербиялавышы Максотова А.К.), Малика Курганова (тербиялавышы Лукманова А.Р.), уьшинши орынга Низами Махмудов (Алыпкаева С.Т.) тийисли болдылар.

Сондай конкурслар маьнели эм керекли, неге десе олар балаларды патриотизм негизинде тербиялайдылар.

**БИЗИМ ХАБАРШЫ,**

## Киели борышын уългили толтырады

Бу йылдың март айларының ортасында Кумлы авылының яшавшысы Шарифат Алиевага алыс Ленинград областининь Сосновый бор каласында орынласкан РФ Сырт-Куьнбатар регионаллык МВД иш аьскерлик боьлигининь етекшилевиннен разылык хат келди. Келген разылык хатты колына алып, кыскайкы коьзясла-рын суьртти. Ол анадынъ аьскерши увылыннынъ етимисине куьезленуьвининъ суьйиниш коьзяслары эди.

Сол разылык хатта мундай соьзлер язылган эдилер: *«Сыйлы Шари-фат Савкатовна! Аьскер-шилик боьликтинъ етек-шилеви Сизге увылынъыз Солтанхан Джамалдино-вич Алиевти тербиялага-нынъыз уьшин разылыгын билдиреди. Сизинъ увы-лынъыз – аьдил, тербия-лы аьскерши, ога тапиш-рылган савыты ман уста-ша пайдаланады, боьлиги-миздинъ ямагат яшавында белсенли катнасып келеди. Оьзининъ киели борышын уългили толтырувы ман, иси мен ол йолдаслары-нынъ эм етекшилерининъ арасында сый эм абырай казанган. Увылынъыз маь-*



*нели патшалык объектин коршалав эм саклав бой-ынша борышларын тол-тырувда бир неше кере кыянатишларды ыслаган. Эм патшалык объектине кыянатишды йибермеген эм ыслап иш ислер орган-ларына еткерген.*

*Келеекте де увылынъ-*

*ыз аьскершилик борышын толтырувда уълги болаягы-на, Россиядынъ иш аьскер-лерининъ аьдетлерин бар-дырып келеегине сеними-мизди йоймаймыз!»*

Элбетте, Солтанхан-нынъ мунда етискен уьстинликлери баьрисин де куьезлендиреди.

Солтанхан Кумлы авыл-дынъ Шихмурзаев атында-гы орта мектебте, баьри балалардай болып, билим алды. Ол кишкейден ана-сына археолог болаякпан деп айтатаган эди. Окувды 2012-нши йыл тамамлап, ол Сургут университети-нинъ археолог боьлигине туьсип мырадына етеди. Ама атасы авырыган сая-лы, ол окувдан кайтпага амалсыз болады. 2014-нши йыл ясты аьскер сырасына эр борышын толтырмага шаькырадылар. Буьгуьнлер-де аьскер сырасында киели борышын яваплы толты-рувы ман яс анасынынъ, кардаш-тувганларынынъ, окыткан окытувшылары-нынъ, тенъ-досларынынъ сенимин аклап келеди. Сондай йигит ясларымыз яс несилге – коьрим, Элине дирек болып келедилер.

Ол буьгуьнлерде тув-ган оьскен ерлерине аман-эсен кайтып, археолог болаякпан деген мырады да яшавга шыгарылып, оьз иси мен элине, хал-кына пайдасын тийдирип келеегине сенимди йой-маймыз.

**Г.НУРДИНОВА.**

**Суьврете:**

*Солтанхан Алиев.*

## Яс янды кеплевши



Аьр бир аьдем кеспи-син суьйип сайлайды эм куллыгын яваплык пан толтырмага шалысады. Соьйтип, оьз кесписин сайлаган Калинин авыл мектебининъ шет эллер тилининъ окытувшысы Эмилия Курманали кызы Абдулгапова.

Эмилия Курмана-ли мен Райхан Абдул-гаповлардынъ аьелин-де тунъгыш бала. Ол ана йолын кувган кызалак. Олай дегеним, Эмилия-дынъ анасы да окытув-шы кесписин сайлаган эм буьгуьнлерге дейим соны уьстинликли бардырады.

– Кайсы ерде де ис аьрекети бойынша мага анам коьрим болып келе-ди, – дейди яс окытувшы.

Эмилия мектебти уьстинликли кутарып, ДГПУ-дынъ шет эллер тилин уьйретуьв факультине окумага туьскен. Сонда да ол берилета-ган билимди алып, коь-римли студентлер ара-сында болып турмага шалыскан.

Ол оьзининъ ис аьре-кетин Карасу авыл мек-тебинде баслаган, 2010-ншы йылдан алып, яс окытувшы бизим мектеб-те куллык этеди. Сол йыл-лар ишинде Эмилия, ана-сына усап, ис суьерлигин, анъ байлыгын коьрсетип келеди.

Ол бизим мектеб-ке келгеннен алып оьзин ийги, билимди куллык-шы этип коьрсетип келе-ди. Онынъ дерислери бек кызыклы оьтеди, ол бала-

лар ман аьр заманда да бирге тил тавып ислеиди. Аьли Эмилия Курмана-ли кызы – 6-ншы классы-нынъ класс етекшиси. Олар оьз окытувшылары ман бирге школа яшавын-да оьтетаган баьри кон-курсларда да катнасады-лар. Яс болса да, окытув-шы ис сырларын биледи. Оьзи окытатаган окув-шылардынъ ата-аналары ман тар байланыс тутады, оьнерли балаларга да бек маьне берип карайды эм тийисли дережеде куллы-гын да юритеди.

Янъыларда онынъ окувшылары белги-ли аьлим, язувшы Д.Шихмурзаевтинъ мере-кесине багысланып озга-рылган шараларда катна-сып, алдышы орынларга етистилер.

Эмилия Курманали кызы – ис йолдасларымыз арасында да ийги касие-тине коьре сый казанган окытувшы. Ол окытата-ган балалары арасында да оьз суьйимин яйып, олар-дан да соны казанып бол-ган аьдем.

Аьли тез арада ол оьзининъ мерекесин бел-гилейди. Ол яс болса да, буьгуьнлерге заьлим ети-мислерге етискен. Биз ога ис коллективимиз атын-нан йогары уьстинлик-лерди, алдыда акыллы окувшыларды тербияла-ганын йораймыз.

**Г.ЯНГАЗИЕВА,**

*Калинин авыл окытув-шысы.*

**Суьврете:**

*Э.Абдулгапова.*

### СПОРТ

## Исине уьстинлик косып

Балалыгында аьвлигип баслаган каьрин яшав бой-ынша коймай бардырганга йигит касиетли аьдем десек, келисли болса ярайды.

Мен ис борышыма коь-ре, бир неше йыллар артта спорт тармагында яс бала Казий Ярлыкапов акында язганда, ога биз: «Аьли де сенинъ уьстинликлеринъ акында коьп кере эситер-миз», – деген сенимди йоравымызды эткен эдик. А буьгуьнлерде энди, сенимим, йоравым аклан-ганын коьремен: йигерли йигит Казийдинъ енъуьв-лери акында эситемен. Ол элимизде тыныш болма-ган кеспилендинъ бириси – полиция куллыкшысы болып ис аьрекетин бар-дырады, кайсы яктарда, ерлерде болса да, Ногай районымыздынъ сыйын акламага шалысады.

Казий Баймагомед увылы Ярлыкапов спорт-ты кишкей заманларыннан алып бек суьеди эм уьйкен маьне берип те каьрлей-ди. Ол зат буьгуьнлерде оьз тамамын да береди,

эм балалыгындагы енъуь-влери сол суьйген каьрин тасламаска да дем бер-гендир деп эсеме келеди. Ол элимиз алдында шын-ты эр борышын толтыр-ган заманларда да спорт бойынша уьстинликлерге етискен. Аьли ол оьзимиз-динъ тувган юртымызда, оьз миллетимиздинъ бай-ыр еринде исин бардыра-ды. Янъыларда Казийге де, ис борышына коьре, республикамыздынъ бас каласы Махачкалада бол-мага туьсти. Сол шакта ол Дагестан Республикасы бойынша МВД-дынъ бокс бойынша чемпионатында катнаскан эм шеккисине коьре 60 килограмм тар-татаган яслар арасында республикада уьшинши савгалы орынга етискен.

Ата йолын бардырган йигит – Казий. Онынъ ата-сы Баймагомед Аминович те оьзи суьйген исин коьп йыллар узагында бардыр-ган. Халкына, тувган ери-не багыслап келеди ол яшав оьмирин. Ол Ногай районы бойынша Россия



МВД боьлигин бар акы-лын, куватын салып етек-шиледи. Аьли ол тийисли тыншаювда. Онынъ сыйлы йолын буьгуьнлерде увылы Казий бардырады. Казийге де атасынынъ йолын бер-

син деген йорав аьли этпе-ге суьемен. Алдыда сага, Казий, коьп уьстинликлер эм енъуьвлер.

**Г.САГИНДИКОВА.**

**Суьврете:**

*К.Ярлыкапов.*

## Кутлав

**8-нши июнь – Социаллык куллыкшысынынъ куъни. Баскалар уьшин янын берип аьрекет этуьв мен байланыслы кеспи ваккиллери – социаллык куллыкшыларды олардынъ кеспилик байрамы ман кутлаймыз.**

**Сиз аьдемлерге йьлувлык, ынанув, сенимлик эм наьсин бересиз. Салган кыйыныныьз, ак ниетли аьрекетинъиз сизге эки кереге арттырылып кайтсын. Эм шыдамлык сизге бу енъл тувыл исинъизде.**

**Ак юректен сизге янынъызды – тынышлык, аьелинъизде – парахатлык эм суьйим бийлегенди йораймыз. Савболынъыз танълыгынъыз уьшин!**

«Ногайский район» МО-сында  
КЦСОН ДР ГБУ-сынынъ  
администрациясы эм профкомы.

## Боблик оьз аьрекетинде

Бу йылдынъ апрель айынынъ сонъында план ман келисте ясуьйкен граждандардынъ эм сакатлардынъ куьндизги ял алув боьлигининъ эмленуьв физкультурасы бойынша медсестрасы эм инструкторы ман район орталык больницасынынъ врачлары кардиолог-терапевти С.Аджиевады эм невролог З.Кадыловады шақырувы ман шара уйгынланып оькти. Шарада «Бувын авырувларынынъ себеплери, белгилери, диагностикасы, эмленуьви», «Астения. Язлык астениясын кайтип енъуьв керек» деген темаларга хабарланды.

Шарада социаллык буйымын алувышлар З.Байманбетова, Р.Дуйсакаева, Н.Карагулова, С.Кельджанова, Т.Суьунова С.Касимова ортакшылык эттилер.

Хабарласув барувда врачлар тынълавшылар-

дынъ кызыксынган баьри сораваына явапладылар. Боблик медсестрасы М.Арунова йыйылганлар атыннан район орталык больницасынынъ куллыкшыларына тешкеруьвли билдируьвлери эм сайланган темалары уьшин разылыгын билдирди. Терекли-Мектеб авылындагы туьрли организациялардан шақырылган туьрли специалистлер мен сондай темаларга хабарласувлардан баска, мунда боьлигимиз бойынша туьзилген «Гармония» вокал кружогынынъ агзалары Ф.Оразбаева, Р.Ваисова, Т.Магомедова, О.Кокоева, С.Аблемитова эм сондай баскалар да юридилер. Юмада эки кере кыскажаклылар боьлигимизге уьйкен коьнъл мен аьзирленмеге келедилер.

**З.ОРАЗБАЕВА,**  
боблик етекшиси.

## Енъуьвшилер несилине сый этилди

«Ногайский район» МО-сындагы Яшавшыларды социаллык яктан коршалав боьлигининъ управлениеси мен РФ эм ДР законодательствосы ман каралган Уллы Аталык согысынынъ катнасувшыларына эм сакатларга льготалар берилер уьшин олардынъ социаллык яктан яшав аьллери тергелди.

«2016-ншы йылдынъ 1-нши майына УСЗН-да Уллы Аталык согысынынъ 1

катнасувшысы эм Уллы Аталык согысынынъ катнасувшыларынынъ 16 тул хатынлары эсапта турадылар.

Уллы Аталык согысынынъ катнасувшыларына эм 16 согыс катнасувшылардынъ тул хатынларына кутлав кагытлар аьзирленип йиберилген. Районымыздынъ ялгъз согыс катнасувшысы Ш.Шуваковтынъ уьйине барылган.

«Ногайский район» МО-сында УСЗН етекшиси

эм ДР Аькимбасынынъ уполномоченный, ДР Социаллык политикасынынъ эм савлык саклав комитетининъ председатели М.Авезов пан бирге согыс катнасувшысы Ш.Шуваковка ДР Аькимбасыннан кутлав кагытын эм 30 мынъ маьнет акша уьйине барып тапшырган.

«Ногайский район» МО-сы ман Уллы Енъуьвдинъ 71-нши йыллыгын озгаруьга карыж яктан коьмек этил-

ген, солай ок согыс катнасувшысы Ш.Шуваковка 50 мынъ маьнет акша эм согыс катнасувшылардынъ 16 тул хатынына 2 мынъ маьнет акша берилген.

Районымыздынъ баьри авылларында согыс катнасувшыларына, олардынъ тул хатынларына, тыл куллыкшыларына сый этилинди.

**А.ШАМАРОВА,**  
УСЗН специалист-эксперти.

## Эслилерге эс берип ислейдилер

Уьйсалган авыл яшавшысы Оьлмес Алибековна Бекмуратова социаллык куллыкшысы боларман деп ойламаган эди, ама бакты аьр бир инсанды оьз йолы ман алып барады. Онынъ айтувы ман, бу ис тынышлардан тувыл, бу куллык-та кеспилик касиетлерден баска социаллык куллыкшысында яркын ян, эсли аьдемлерге берилетаган юрек йьлувы болмага керек.

Оьлмес Бекмуратова аьжетсизлейтаган ясуьйкенлерди бек ийги биледи, олардынъ акында ийги соьзлер айтады, баьриси де ога ювык аьдемлер, неге десе кишкой авылда баьриси де бир-бирисин таныйдылар, 30 йылдан артык болды Оьлмес Бекмуратовлардынъ аьелине туьскенли.

– Социаллык куллыкшысынынъ иси ийги кеспи-лердинъ биристи болады, ол – аьдемшиликтинъ санияты, аьр бир аьдем мен байланыс тутып болув санияты, яшавга суьйим. Бар сондай дуныя, сен оны кыйынлык туьспесе аньламайсынъ, коьрмейсинъ. Сол дуныяга биз кишкой «терезелер» коьремиз, ама карамага суьймеймиз коьплеген заманда. Сол дуныядынъ яшавшылары – орамда уьйсиз калган аьдем, авыр



дорбаларды тегаран алып барып турган эсли хатын, олтыргышта коьзясин суьрткен карт аьдем. Сол дуныяда коьмек керек пе оларга деген сорап тувмайды, бу дуныяда оларга ким коьмек этер деген сорап оьткир. Эм социаллык куллыкшылар – сол дуныядынъ бир кесеги болады, онынъ яшавшылары ман таньсадылар, оларга коьмек этип, юрек саввлелерин савкатлайдылар.

– Биз эсли аьдемлерге керек болганлай, олар да бизге бек керек, ясуьйкенлердинъ яшав сулыбы, баьри зат та ийги болар деген

сеними бизге бек керекли эм маьнели. Соны уьшин биз бу дуныяда яшаймыз, – дейди Оь.Бекмуратова. – Бу куллык мени шыдамлы, ийги этеди, социаллык куллык – медаль, онынъ бир ягында – ийги ислер, эсли аьдемлердинъ суьйиниши, баска яктан – авырув. Ясуьйкенлеримиз уьшин – юрек авырувы.

Оьлмес Бекмуратова авылда 8 ясуьйкенлерди аьжетсизлейди – Крымхан Ахметов, Лариса Кокшеева, Шафиха Менглибаева, Келдихан Эрежепова, Кайтархан Зармукаева, Эльбике

Сулейманова, Казинет Кокшеева, Гульшаар Классова. Олар ийги соьзлер айтадылар социаллык куллыкшы акында.

Авылда Оьлмес Бекмуратова ясуьйкенлер катнасувы ман китапхана куллыкшысы А.Менглибаева, маданият уьйининъ куллыкшысы К.Кожеева ман биргелесте коьплеген шаралар озгарады. Соьйтип, коьнъл коьтерилисте оьтеди Хатынкызлар байрамы, Эслилер куьни, Ана куьни Уьйсалган авылында. Оларга сыпыра туьзип, байрам ман кутлап, савкатлар бериледи.

Яньыларда КЦСОН специалистлери авылга барып, социаллык куллыкшыдынъ исин тергедилер, аьр бир ясуьйкеннен онынъ кайтип ислейтаганы акында сорадылар, эсли аьдемлер онынъ акында тек ийги соьзлер айттылар.

Соьйтип, уьстинликлер мен, суьйиниш пен социаллык куллыкшысынынъ куьнин карсы алады Оьлмес Бекмуратова, ога эм ол аьжетсизлейтаган ясуьйкенлерге ден савлык, наьсипли, ийги куьнлер йораймыз.

**Г.АБДУЛАКИМОВА.**  
**Суьврете:** Оь.Бекмуратова эм ясуьйкен К.Ахметов.

## ЯШАВШЫЛАРДЫ КУЛЛЫК ПАН КАНАГАТЛАВ ОРТАЛЫГЫ БИЛДИРУЬВ

«Ногайский район» МО-сындагы Яшавшыларды куллык пан канагатлав орталыгы хатынлар тувган баласын караван байланыста 3 йыл узагына отпускада болган аьсерде аьвлетин тербиялав ман бирге оьз квалификациясын коьтеруьв мен каьр шегуьвге каратылган аьллер туьзилуьв бойынша шаралар уйгынланаягын яшавшыларга билдиреди. Белгиленген шарадынъ мырады – бала тувув ман байланыста узак заман уьйде турган

кыскажаклыдынъ кеспилик усталыгын кайтарув. Оннан оьзгелей, куллыксыз калган кыскажаклыларга психология яктан коьтергишлев буйымлары толтырылады. Сонъында белгиленген социаллык адаптацияга каратылган шаралар кыскажаклы иске туьсер уьшин оьзининъ кеспи усталыгын, билимин коьрсетип болувын коьтеруьвге демевлейди. Бу шаралар сонъында иске туьсуьвдинъ оьлшемин коьтеруьвге эм куллыксыз калуьвдынъ оьлше-

мин туьсируьвге келтиредди. Кеспи эм социаллык яктан яшавда оьз орынын таппага буршав берген психологиялык маьселелердинъ актуальли болувын психология бойынша оькиметтинъ коьтергишлеви туьсиреди.

Баьри сораваылар ман да «Ногайский район» МО-сындагы Яшавшыларды куллык пан канагатлав орталыгына 8(87256)-21-3-08 эм мобилли байланыс пан 89280504121 номерлерге занъ сокпага боласыз.

### ИЗВЕЩЕНИЕ о проведении открытого аукциона по продаже права на заключение договора аренды на земельный участок из земель сельскохозяйственного назначения, находящихся в муниципальной собственности

- Форма торгов - открытый аукцион по закрытой форме подачи предложений по цене.
- Организатор торгов - администрация муниципального образования сельского поселения «сельсовет Карасувский»
- Решение принято постановлением администрации муниципального образования сельского поселения «сельсовет Карасувский» от «01» июня 2016 г. № 19.
- Место проведения аукциона - РД, Ногайский район, с. Карасу, ул. Аллабергенава 28, (здание администрации МО СП «сельсовет Карасувский»), датой проведения конкурса является рабочий день, следующий после истечения 30 дней со дня опубликования извещения в СМИ, время проведения аукциона - 09ч.30мин.

Предмет аукциона:

Лот № 1- земельный участок категории земель сельскохозяйственного назначения, с разрешенным использованием для сельскохозяйственного производства, с кадастровым номером 05:03:000007:1201 общей площадью 7.1 га. Начальная выкупная стоимость права аренды земельного участка составляет 750 (семьсот пятьдесят) рублей, шаг аукциона составляет 5% – 40 руб. Сведения об обременении отсутствуют. Сумма задатка составляет 20% – 150 руб.

5. Заявки на участие в конкурсе принимаются в запечатанном конверте в течение 30 дней со дня опу-

бликования в СМИ по адресу: РД, Ногайский район, с. Карасу, ул. Аллабергенава, 28 (здание администрации МО СП «сельсовет Карасувский») по рабочим дням с 8.00 до 17.00 по московскому времени. Вместе с заявкой подаются следующие документы:

- для физических лиц - документ, удостоверяющий личность либо доверенность представителя;
- для юридических лиц - заверенные нотариально копии учредительных документов и свидетельства о государственной регистрации юридического лица.

документ, подтверждающий внесение задатка для юридических и физических лиц.

6. Задаток вносится по реквизитам:

УФК по РД (Администрация МО СП «сельсовет Карасувский», л/сч. 03033928310 ИНН - 0525001269, КПП - 052501001, ОГРН - 1020501443841, ГРКЦ НБ РД Банка России г. Махачкала, БИК - 048209001, р/сч-40204810200000000493, л/сч - 03033928310, ОКАТО - 82240821001, назначение платежа - обеспечение конкурсной заявки.

7. Договор аренды заключается по истечении 5 дней со дня подписания протокола результата конкурса.

8. Предоставление документов для принятия в аукционе, оформление заявки, договора о задатке по адресу аукционера.

Глава администрации МО СП «сельсовет Карасувский»

ДИНАКАЕВ Я.С.



ИЗВЕЩЕНИЕ о проведении открытого аукциона по продаже права на заключение договора аренды на земельные участки из земель сельскохозяйственного назначения, находящихся в муниципальной собственности сельского поселения

Администрация муниципального образования сельского поселения «сельсовет Коктюбинский» Ногайского района Республики Дагестан сообщает о проведении открытого аукциона по закрытой форме подачи предложений о цене на право заключения договора аренды земельных участков из земель сельскохозяйственного назначения, находящихся в муниципальной собственности.

Решение о проведении открытого аукциона: Постановление главы администрации муниципального образования сельского поселения «сельсовет Коктюбинский» Ногайского района Республики Дагестан от 25 апреля 2016 года № 63.

Организатор аукциона (Продавец): администрация муниципального образования сельского поселения «сельсовет Коктюбинский» Ногайского района Республики Дагестан.

Форма торгов: открытый аукцион по закрытой форме подачи предложений по цене.

Место проведения аукциона: 368857 Республика Дагестан, Ногайский район, с.Нариман, ул.Н.Батырова, 22 (здание администрации сельского поселения). Контактный телефон: 8-928-869-90-62.

Сведения о земельных участках, начальная цена продажи права заключения договора аренды и шаг аукциона:

Предмет аукциона:

**Лот № 1.** Часть земельного участка с кадастровым номером 05:03:000005:1241/1 общей площадью 400 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 41600 руб., шаг аукциона составляет 5% - 2080 руб.00 коп. Сведения об обременении: отсутствуют. Сумма задатка составляет 20 % от начальной цены – 8320 рублей.

**Лот № 2.** Часть земельного участка с кадастровым номером 05:03:000005:1241/8 общей площадью 439 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 45656 руб., шаг аукциона составляет 5% - 2283 руб.00 коп. Сведения об обременении: отсутствуют. Сумма задатка составляет 20 % от начальной цены – 9131 рублей.

**Лот № 3.** Часть земельного участка с кадастровым номером 05:03:000005:1241/9 общей площадью 500 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 52000 руб., шаг аукциона составляет 5% - 2600 руб.00 коп. Сведения об обременении: отсутствуют. Сумма задатка составляет 20 % от начальной цены – 10400 рублей.

**Лот № 4.** Часть земельного участка с кадастровым номером 05:03:000005:1241/10 общей площадью 930 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 96720 руб., шаг аукциона составляет 5% – 4836 руб.00 коп. Сведения об обременении: отсутствуют. Сумма задатка составляет 20 % от начальной цены – 19344 рублей.

**Лот № 5.** Часть земельного участка с кадастровым номером 05:03:000005:1241/11 общей площадью 655 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 68120 руб., шаг аукциона составляет 5% – 3406 руб.00 коп. Сведения об обременении: отсутствуют. Сумма задатка составляет 20 % от начальной цены – 13624 рублей.

**Лот № 6.** Часть земельного участка с кадастровым номером 05:03:000005:1241/12 общей площадью 560 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 58240 руб., шаг аукциона составляет 5% – 2912 руб.00 коп. Сведения об обременении: отсутствуют. Сумма задатка составляет 20 % от начальной цены – 11648 рублей.

**Лот № 7.** Часть земельного участка с кадастровым номером 05:03:000005:1241/13 общей площадью 558 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 58032 руб., шаг аукциона составляет 5% – 2902 руб.00 коп. Сведения об обременении: отсутствуют. Сумма задатка составляет 20 % от начальной цены – 11606 рублей.

**Лот № 8.** Часть земельного участка с кадастровым номером 05:03:000005:1241/14 общей площадью 576 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 59904 руб., шаг аукциона составляет 5% – 2995 руб.00 коп. Сведения об обременении: отсутствуют. Сумма задатка составляет 20 % от начальной цены – 11981 рублей.

**Лот № 9.** Часть земельного участка с кадастровым номером 05:03:000005:1241/15 общей площадью 124 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 12896 руб., шаг аукциона составляет 5% – 645 руб.00 коп. Сведения об обременении: отсутствуют. Сумма задатка составляет 20 % от начальной цены – 2579 рублей.

**Лот № 10.** Часть земельного участка с кадастровым номером 05:03:000005:1241/16 общей площадью 279 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 29016 руб., шаг аукциона составляет 5% – 1451 руб.00 коп. Сведения об обременении: отсутствуют. Сумма задатка составляет 20 % от начальной цены – 5803 рублей.

**Лот № 11.** Часть земельного участка с кадастровым номером 05:03:000005:1241/17 общей площадью 600 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 62400 руб., шаг аукциона составляет 5% – 3120 руб.00 коп. Сведения об обременении: отсутствуют. Сумма задатка составляет 20 % от начальной цены – 12480 рублей.

**Лот № 12.** Часть земельного участка с кадастровым номером 05:03:000005:1241/18 общей площадью 143 га богарной пашни из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 22308 руб., шаг аукциона составляет 5% – 1115 руб.00 коп. Сведения об обременении: отсутствуют. Сумма задатка составляет 20 % от начальной цены – 4462 рублей.

**Лот № 13.** Часть земельного участка с кадастровым номером 05:03:000005:1241/19 общей площадью 405 га богарной пашни из земель сельскохозяйственного назначения, находящийся по адресу: Республи-

ка Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 42120 руб., шаг аукциона составляет 5% – 2106 руб.00 коп. Сведения об обременении: отсутствуют. Сумма задатка составляет 20 % от начальной цены – 8424 рублей.

**Лот № 14.** Часть земельного участка с кадастровым номером 05:03:000005:1241/20 общей площадью 500 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 52000 руб., шаг аукциона составляет 5% – 2600 руб.00 коп. Сведения об обременении: отсутствуют. Сумма задатка составляет 20 % от начальной цены – 10400 рублей.

**Лот № 15.** Часть земельного участка с кадастровым номером 05:03:000005:1241/21 общей площадью 500 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 52000 руб., шаг аукциона составляет 5% – 2600 руб.00 коп. Сведения об обременении: отсутствуют. Сумма задатка составляет 20 % от начальной цены – 10400 рублей.

**Лот № 16.** Часть земельного участка с кадастровым номером 05:03:000005:1241/22 общей площадью 542 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 56368 руб., шаг аукциона составляет 5% – 2818 руб.00 коп. Сведения об обременении: отсутствуют. Сумма задатка составляет 20 % от начальной цены – 11274 рублей.

**Лот № 17.** Земельный участок с кадастровым номером 05:03:000003:1037 общей площадью 999 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 103896 (сто три тысячи восемьсот девяносто шесть) руб., шаг аукциона составляет 5% – 5195 (пять тысяч сто девяносто пять) руб.00 коп. Сведения об обременении: отсутствуют. Сумма задатка составляет 20 % от начальной цены – 20779 (двадцать тысяч семьсот семьдесят девять) рублей.

**Лот № 18.** Земельный участок с кадастровым номером 05:03:000003:995 общей площадью 315 га пастбищ из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 32760 руб., шаг аукциона составляет 5% – 1638 руб.00 коп. Сведения об обременении: отсутствуют. Сумма задатка составляет 20% от начальной цены – 6552 рублей.

**Лот № 19.** Земельный участок с кадастровым номером 05:03:000005:1087 общей площадью 33 га орошаемой пашни из земель сельскохозяйственного назначения, находящийся по адресу: Республика Дагестан Ногайский район на территории МО СП «сельсовет Коктюбинский», для сельскохозяйственного производства. Начальная выкупная стоимость права аренды земельного участка – 17160 руб., шаг аукциона составляет 5% – 858 руб.00 коп. Сведения об обременении: отсутствуют. Сумма задатка составляет 20 % от начальной цены – 3432 рублей.

**Лот № 20.** Земельный участок с кадастровым номером 05:03:000005:1088 общей площадью 41 га орошаемой пашни из земель сельскохозяйственного назначения, находящийся по адресу: Республика Дагестан Ногайский район на территории МО СП

«сельсовет Коктюбинский», для сельскохозяйственного производства. Начальная выкупная стоимость права аренды земельного участка – 21320 руб., шаг аукциона составляет 5% – 1066 руб.00 коп. Сведения об обременении: отсутствуют. Сумма задатка составляет 20% от начальной цены – 4264 рублей.

Дата начала приема заявок на участие в аукционе: заявки на участие в аукционе принимаются в запечатанном конверте в течение 30 дней со дня опубликования настоящего извещения в СМИ по адресу: 368857, Республика Дагестан, Ногайский район, с.Нариман, ул.Н.Батырова, 22 (здание администрации сельского поселения) по рабочим дням с 8.00 до 17.00 по московскому времени.

Для участия в аукционе необходимо представить:

- заявку на участие в аукционе;
- пакет документов, прилагаемых к заявке.

Указанные документы в части их оформления и содержания должны соответствовать требованиям законодательства РФ.

Информацию об условиях проведения аукциона, условиях приема заявок, конкурсную документацию, форму заявки, проект договора аренды, сведения о выставленных на продажу права аренды земельных участках, а также перечень документов, прилагаемых к заявке можно получить с момента начала приема заявок по вышеуказанному адресу Продавца.

Вместе с заявкой претенденты должны подать следующие документы:

- для физических лиц – документ, удостоверяющий личность, ИНН или доверенность представителя, документ, подтверждающий внесение задатка;
- для юридических лиц – заверенные нотариально копии учредительных документов, свидетельство о государственной регистрации юридического лица, документ, подтверждающий внесение задатка.

Задаток вносится по реквизитам: УФК по РД администрация МО СП «сельсовет Коктюбинский». БАНКОВСКИЕ РЕКВИЗИТЫ:

Расчетный счет: 40204810500000000494

Лицевой счет: 030334944040

ОКАТО: 82240822001

КПП: 052501001

ИНН: 0525001163

ОГРН: 1020501444050

БИК: 048209001

ГРКЦ НБ Банка России г.Махачкала

КБК 001 11105025100000120 (средства от продажи права на заключение договора аренды за земли, находящиеся в собственности поселений), назначение платежа – обеспечение заявки на участие в аукционе).

Договор аренды заключается по истечении 5 дней со дня подписания протокола проведения аукциона. Срок договора аренды устанавливается в соответствии со ст.9 Федерального Закона РФ «Об обороте земель сельскохозяйственного назначения» № 101-ФЗ от 24.07.2002 года.

Дата, время и место определения участников аукциона: рабочий день после истечения 30 дней со дня опубликования настоящего извещения в СМИ в 9 час. 00 мин. по московскому времени по адресу: 368857, Республика Дагестан, Ногайский район, с.Нариман, ул.Н.Батырова, 22 (здание администрации сельского поселения).

Расходы на оформление права аренды в полном объеме возлагаются на покупателя.

Суммы задатков, внесенные претендентами (кроме победителя), возвращаются им в течение 3 (трех) банковских дней со дня подписания протокола о результатах торгов. Продавец вправе отказаться от проведения открытого аукциона в сроки, установленные ст.448 ГК РФ.

Предоставление документов для принятия участия в аукционе, оформления заявки, договора о задатке и место проведения аукциона: Республика Дагестан, Ногайский район, с.Нариман, ул.Н.Батырова, 22 (здание администрации сельского поселения).

Контактный телефон: 8-928-869-90-62.

З.Б.СУЮНДИКОВ.

РАЗЫЛЫК



Россия МВД Ногай районы бойынша иш ислер боьлигининь участковый уполномоченный полиция лейтенанты Рафаэль Алыпкашев мен ак юректен разылык билдиремен. Ол мага, таныс болмаган аьдемге, авыр аьлде кал-

ганда озь коьмегин этип, куллыгымды бажармага амал тапты.

Мен Волгоград облас-тининь Волжский каласыннан келген эдим мунда ислемеге, кайсы ерде яман да, яхшы да аьдемлер болады, мага карсы келген аьдемлер

ийги тувыл болып шык-ты. Солар ман эрисле-суьв болганда, Рафаэль мага коьмек этти, мен ойлайман, сондай намыс-лы, шынтты йигитлер аьли сийрек карсы келедилер.

Мен савбол айтаман полиция куллыкшысы-на эм Ногай районы бо-

йынша иш ислер боьли-гининь ООП начальниги Магомед Расулович Курбансаидовка озь боры-шын намыслы толтырган участковый уполномоченный Рафаэль Алыпкашевтинь эткен исин бел-гилеп, оны коьтергишле-син деп тилек саламан.

Ногай районынынь баьри полиция куллык-шыларына савбол айта-ман, мен сондай йигит-лер мен оьктемсиймен, сондай офицерлер коьп болсын.

Сергей ЖИВОТЕНКО. Суьвретте:

Р.Алыпкашев.

1-нши июнь – БАЛАЛАРДЫ КОРШАЛАВ ХАЛКЛАР АРА КУЬНИ

# Балалыктынъ байрамы



Яйнаган яйдынъ биринши куьнинде Балаларды коршалав халклар ара куьни белгиленеди. Бу байрам балаларды тек ойнатып-суьйинтип, оларга уйкен маьне этер уьшин белгиленип калмайды, ол – уйкенлердинъ эсине тагы да эм тагы да биз балаларды коршаламага эм каьр шекпеге борышлы экенимизди салады.

Балалык байрамы белгиленген куьн Терекли-Мектеб авылынынъ орталыгы шав-шувласкан балаларга толган. Ер-ерде шарлар, ойынлар коьнйилди коьтереди. Ярасык, коьнйилли балалар авылымызды аьлемет балалар дуньясына усаткан.

Бу куьн Терекли-Мектеб авылындагы «Айсылув», «Юлдыз», «Ногай Эл» балалар бавларында ийги озгеристен басланды. Балалар бавларына «село Терекли-Мектеб» СП МО аькимбасы Зейдулла Аджибайрамов, «село Терекли-Мектеб» СП МО администрациясынынъ Депутатлар ййынынынъ председатели Р.Гапаров, депутат Арсен Халилов авыл администрациясынынъ куллыкшылары ман бирге, саьбийлерге деп ящиклер мен мороженое, таьтли сув, балалар журналларын эм шеньилшеклерде ойнамага билетлер элтеди. Балалар бавларында авыл аькимбасы эм Р.Гапаров саьбийлерди аьлемет байрам ман кутлап, ден савлык йорадылар эм саьбийлерди тербиялавада коьп куьш салган тербиялавышыларга савбол айттылар. Тагы да бугуьн бала тувув боьлигине барып, тувган баладынъ анасы З.Кидирниязовады кутлап, ога уйкен аюв ойыншы-

гын савкатлады.

Маданият куллыкшылары ман уйгынланган концерт Ф.Капельгородский паркындагы яз клубында оьтти. Мунда байрамнан алдын оьткен «Шоьл тавыслары» балалар конкурсыннынъ еньюьвшилер аьлемет тавыслары ман йырладылар. Олардынъ баьрине де «село Терекли-Мектеб» СП МО атыннан ойыншылар берилди. Сонъ саьбийлер мен бирге концерт юритуьвшилер Г.Савкатова ман Б.Курманова байрам флешмобын бийдилер. Бугуьн яз клубынынъ ишинде саьбийлерге деп мороженое ман таьтли сув эркини мен пайланды. Концерттен сонъ балалар парктагы бассейннинъ касында суьвретлер ясадылар. Суьврет ясав конкурсында балалардынъ коьбиси – тынышлыкты белгилеген куьннинъ коьзин, таза аспанды ясадылар. Бу конкурста катнаскан бир бала да савгасыз калмады. Байрам озгарувда карыж яктан коьмек эткен предпринимательлер Альфира Аджиева ман Умар Умаровка авыл администрациясы озь разылыгын билдиреди.

Балалардынъ байрамы куьннинъ бир кесегинде куьннинъ коьзи яркырап, ярк эди, экинши кесеге ямгырлы эм бир аз салкын болды. Сол да басына болмаган болар. Оькиншке, баьри балалардынъ да балалыгы балдай таьтли болмайды. Туьрли кыйын аьллерге туьскенлери де аз тувыл. Энъ де кыйын сынава балалар эм олардынъ ата-аналары уьшин авыр авырувлар. Бизим районда сосындай сынавада болган 13 бала бар. Олардынъ коьзлеринде шет-кырыйсыз

яшав суьйимликти, авырув ман куьресуьвде куьшти эм шыдамлыкты окийсынъ, деди коьзясларын тегаран ййылганлардан ясырмага куьш тапкан, «Куьлемсирев савкатла» деп аталган саваллык концертти юриткен хатын-кызлар советининъ етекшиси Сабираб Абубекерова эм маданият куллыкшысы Гульфия Кокоева. Мунда ййылганлар сосы 13 баладынъ акында кимге тез арада операция керекли, кимге баалы дарманлар керексинетаганын эситтилер. Олардынъ кайбирисининъ баьлеси мен куьресуьвде коьмек керек. Район куллыкшылары шеттен карап калмадылар. Авырыган балаларга коьмекке деп бу куьн туьрли йырлавышыларымыздынъ ортакшылык этуьви мен уйгынланган саваллык шарасында туьрли организациялардан, авыл аькимбасларыннан, йырлавышыларымыздан, яшавшылардан акша берилди. Олардынъ сырасында атларын белгилемеге суьймегенлер де аз тувыл эди. 219 билет сатылып, тургызылган 44 мынга ювык маьнет акша да ярдам куьткен балаларга пайланды.

Байрамнынъ кешки вакытында балалар уьшин велогонкалар оьттилер. Бу ярысларда биринши орынга Кадрия атындагы школасынынъ окувшысы Ринат Уразаев, экинши орынга – Нариман авыл школасынынъ окувшысы Надир Мурзаев, уьшинши орынга – Кадрия атындагы школасынынъ окувшысы Темирлан Таньатаров тийисли болдылар.

**Н.КОЖАЕВА.**

Суьвретте: байрамнан коьринис.

КОНКУРС

## Элдинъ келеектегиси эм аьел

Эл. Кайсымызга да якын эм баалы. Соны ман байланыслы болып, язувышыларымызда да, поэтлеримизде де асарлар тувадылар. Элимиздинъ кайсы тармагында да, сога озь пайдасын тийдируьв ниет пен, патриотлык сезимлери болган аьдемлер куллык этедилер.

Яньюларда Миллет данък орталыгы эм Андрей Первозванный фонды, «Аналык киеси» деген Савлайроссия-

лык программасы «Аьел эм Россиядынъ келеектегиси – 2016» деген шарадынъ озуву эм сол Баспа эм коьлемлик коммуникациялар бойынша Федераллык агентствосынынъ эм «Булаклар» целевой капиталлар фондыннынъ акшактан коьмек этуьви мен болагы акында белгиледилер.

Бу шарада яратувшылык коллективлер, айырым журналистлер катнаспага ыхтыярлы. Яратувшылык баз-

ласта катнаспага суьйгенлердинъ сол тема бойынша макалалары баспа органларында 2016-ншы йылдынъ 15-нши июлине дейим муниципаллык СМИ-лерде эм 25-нши июльге дейим федераллык эм регионаллык СМИ-лерде язылып шыккан болмага керек.

Шарада катнаскан бир аьдем де белгиленмей калмак. Аьр кайсысы да разылык хат пан бегилеенек.

**Терекли-Мектеб авыл яшавшысы**  
**Эмилия Курманалиевна Абдулгадовага**  
12-нши июньде 30 яска толаягы ман

Бав емисли бав болсын  
Кишкей ясыл теректен.  
Сени бугуьн ийги куьн мен  
Кутлаймыз ак юректен.  
Хайгыры ман мерекенъ,  
Аьли де олар коьп болсын.  
Баьри ийги ниетинъ  
Бугуьн сенинъ онъ толсын!

**Кутлавшылар: Абдулгатовлар эм Калманбетовлар аьеллери.**

Яздынъ ийги куьниндей,  
Яшавынъ сенинъ мол болсын.  
Коьнйилдеги мыратлар  
Куваныш пан оьр толсын.  
Аьр йылда да тувган куьн  
Ийгиликлер аькелсин.  
Яшав йоллары сага  
Наьсип эм савлык берсин.

**Кутлавшылар: аданасы Расул, келини Айгуль, синълиси Гульмира, куьев кедеси Нурманбет, йиенлери Ахмад, Далгат, Арифутла.**

Сургут каласында яшайтаган кишкей ердесимиз  
**Эмилия Расимовна Аджегеримовага**  
9-ншы июньде 1 яска толганы ман

Эмилиямыз - эрке кыз,  
Янымыздай коьремиз.  
Тувган куьнде биз сага  
Коьп айтпага суьемиз.  
"Машалла!" - деп айттырып  
Оьсе-оьсе етерсинъ.  
Баьримизди кувантып,  
Кыз шагына келерсинъ.

**Кутлавшылар: энеси Малият, абасы Зухра, нагашакасы Сайфулла, Утегеновлардынъ эм Картакаевлердинъ аьеллери.**

«ШОЬЛ ТАВЫСЫ»  
(ГОЛОС СТЕПИ)

6

ТОКТАСТЫРУВШЫЛАР:  
Дагестан Республикадынъ Халк Ййыны  
эм Правительство.

Бас редактор – Кожеева Э.Ю.

Газета коьлем коммуникациялар тармагында эм маданият калымжады коршалавада законодательстводы тутувга тергев салув бойынша федераллык службасынынъ

ЮФО бойынша регионаллык Управленисинде регистрацияланган.

Регистрациялык номери ПИ №ФС 10-6455 (26 январь 2007 й.)

Колязбаларга рецензия берилмейди. Олар кери ызына кайтарылмайдылар. Авторлар ой токтастары редакциядыкы ман келиспеске боладылар. Авторлар язылмалары уьшин яваплылар. ДР-нынъ Баспа эм коьлемлик коммуникациялар бойынша комитети.

Баспавага кол басылуь заманы – 17 саьатте. Баспавага кол басылган – 16 саьатте.

Адрес редакции и издателя:  
368850, Республика Дагестан, Ногайский район,  
с.Терекли-Мектеб, ул.К.Маркса, 49  
газета «Голос степи».  
Электронный адрес: sholtavisi@mail.ru

Официальный сайт газеты (www.golos-stepi.ru)

Телефоны:  
Общий отдел – 21-4-71  
Индекс – 51365

Газета выходит 52 раза в году.  
Тираж – 2150 экз.

Цена – 5 рублей.

Реклама и объявления публикуются по договорным ценам.

Газета отпечатана в типографии  
ООО «Издательство «Лотос»  
по адресу:  
367018, ДР, г.Махачкала,  
Проспект Петра 1, 61.